

Et ne αὐτὸς ἰδίως in Politicis disputationibus vagari videamur, certa quædam capita primaria ejusdem sunt proponenda. 17

Methodus namq; vel ordo facilior nostræ cognitioni inserviens id postulat. 18. tum ordo 9<sup>m</sup>

Practicam illam appellamus disciplinam: quod Theoreticis in nuda contemplatione consistentibus est contradiſtincta. Unde non in Speculatione sed actionibus vel negotijs civilibus occupatur. 19.

In genere πρᾶξις quamvis operationem à ratione regulatam significat, qua ratione etiam effectricium disciplinarum πρᾶξις est. 20.

Speciatim vero pro illa operatione accipitur, quæ ad honestatem dirigitur: Sive est operatio facultatis distincta ab intellectu: Secundario etiam vitiorum propria. 21.

Practicam diximus esse disciplinam. Ordine igitur analytical disponenda & tradenda. 22. analyticus; cujus partes.

Is namq; practicus, uti συνθετικὸς theoreticis disciplinis competit. 23.

Differentia inter utrumq; est: Quod vel sola cognitio spectatur vel præter cognitionem finis actione seu operatione exprimendus. 24.

Si nuda sufficit cognitio, satis est habere cognitum Subjectum, Principia & Affectiones: Sive affectiones per causas de subjecto demonstrare posse. 25.

Hinc primo subjectum præcognoscendum, inde à principiorum cognitione ad affectiones progrediendum. 26.

Si vero præter cognitionem operatio aliqua spectatur, jam Finis omnium primæ ratio habenda. 27. 1. Finis.

Si namq; actionem dirigit: vel ut media ad finem consequendum accommodata inquiramus nobis autor est. 28.

Fine jam constituto, subjecti cognitio necessaria est: quò sciatur, an ejusmodi sit, in quod finis possit introduci. 29.